



Broj: 05/01-05-13556/18 RA  
Sarajevo, 21.05.2018. godine

**SKUPŠTINA KANTONA SARAJEVO**

- o v d j e -

n/r prof. Ana Babić, predsjedateljica

**PREDMET:** Odgovor na zastupničku inicijativu – zastupnik Mario Vukasović

Zastupnik u Skupštini Kantona Sarajevo, Mario Vukasović, na 40. Radnoj sjednici Skupštine Kantona Sarajevo, održanoj dana 04.04.2018. godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovnikom Skupštine Kantona Sarajevo, pokrenuo je zastupničku inicijativu, kako slijedi:

*"Kako uskoro sa radom počinje Trebevička žičara, te će broj izletnika na Trebeviću postati neuporedivo veći, smatram da je od iznimne važnosti da se pobrinemo i za prateću infrastrukturu. Ovim putem predlažem da se pod hitno izdvoje sredstva za postavljanje barem 30 kanti za smeće na širem prostoru koji koriste izletnici kako bi Trebević održali čistim i urednim."*

**ODGOVOR:**

U vezi sa predmetnom inicijativom zatraženo je izjašnjenje Kantonalne javne ustanove za zaštićena prirodna područja (u daljem tekstu: Javna ustanova), koja u skladu sa važećim propisima upravlja Zaštićenim pejzažem "Trebević". U odnosu na Odgovor Javne ustanove broj: 03-208-2/18 od 03.05.2018. godine (koji dostavljamo u prilogu), dodatno ističemo da će se predložena zastupnička inicijativa uvažiti prilikom izrade Plana upravljanja otpadom ZP "Trebević", shodno obavezi iz Plana upravljanja Zaštićenim pejzažem "Trebević", koga je 2017. godine donijela Vlada Kantona Sarajevo na period od 10 godina ("Službene novine Kantona Sarajevo", broj 23/17).

Naime, kroz izradu Plana upravljanja ZP "Trebević" utvrđeno je, da unutar zaštićenog područja nije definisan jasan i sistemski način upravljanja otpadom, pa su trenutno za otpad iz ugostiteljskih objekata zaduženi njihovi vlasnici, dok za prikupljanje i zbrinjavanje preostalog dijela otpada Javna ustanova kontinuirano izdvaja finansijska sredstva. Imajući u vidu ovu činjenicu, a u cilju zaštite i održavanja čitavog lokaliteta, predviđena je izrada Plana upravljanja otpadom u ZP "Trebević", koji će, između ostalog, utvrditi lokacije i broj potrebnih kanti i kontejnera za odlaganje otpada u čitavom zaštićenom području, mjesta sakupljanja otpada, kao i način njegovog odvoza na deponiju. Za izradu Plana upravljanja otpadom, kao i za postavljanje primarne komunalne infrastrukture i realizaciju odvoza otpada, već je u Planu upravljanja ZP "Trebević" data procjena finansijskih troškova, vremenski raspored realizacije pomenutih aktivnosti (po godinama), izvori finansiranja, neophodni resursi, i dr.

S poštovanjem,

**MINISTAR**

Prilog: kao u tekstu

**Čedomir Lukić, dipl.ing.arh.**

*Pripremila: Amela Rokša, stručni savjetnik*

*Kontrolisala: Zijada Krvavac, pomoćnik ministra za zaštitu okoliša*





4412  
4356  
411

KANTON SARAJEVO  
Kantonalna javna ustanova  
za zaštićena prirodna područja

CANTON SARAJEVO  
Cantonal Public Institution  
for Protected Natural Areas

Broj: 03-208-2/18  
Sarajevo, 03.05.2018. godine

Bosna i Hercegovina  
Federacija Bosne i Hercegovine  
KANTON SARAJEVO

Ministarstvo prostornog uređenja, građenja i zaštite okoliša

Ulica: Reisa Dž. Čauševića broj 1,  
71 000 Sarajevo

Bosna i Hercegovina  
Federacija Bosne i Hercegovine  
KANTON SARAJEVO

PRIMIJENO: 7-05-2018			
Organizaciona jedinica	Klasifikacija	Broj prijema	
RT/01-65-13556			

PREDMET: Odgovor na zastupničku inicijativu – dostavlja se

Skupština Kantona Sarajevo /veza broj i datum: 01-05-13556/18 od 06.04.2018. godine/ i Ministarstvo prostornog uređenja, građenja i zaštite okoliša /veza broj i datum: 05-01-05-1356/18 RA od 15.04.2018. godine/ su ovoj javnoj ustanovi prosljedili zastupničku inicijativu skupštinskog zastupnika gosp. Marija Vukasovića. Imenovani je na 40 Radnoj sjednici Skupštine Kantona Sarajevo koja je održana 04.04.2018. godine, u okviru tačke Dnevnog reda "Poslanička pitanja, inicijative i odgovori" a u skladu sa Poslovníkom Skupštine Kantona Sarajevo pokrenuo zastupničku inicijativu koja glasi "Kako uskoro sa radom počinje Trebevička žičara, te će broj izletnika na Trebeviću postati neupoređivo veći, smatram da je od iznimne važnosti da se pobrinemo i za prateću infrastrukturu. Ovim putem predlažem da se pod hitno izdvoje sredstva za postavljanje barem 30 kanti za smeće na širem prostoru koji koriste izletnici kako bi Trebević održali čistim i urednim".

U kontekstu gore navedenog, dostavljamo s l i j e d e ć i :

### Odgovor na zastupničku inicijativu

Nakon što je Skupština Kantona Sarajevo donijela Zakon o proglašenju Zaštićenog pejzaža "Trebević" ("Sl. novine Kantona Sarajevo", broj 15/14) Kantonalna javna ustanova za zaštićena prirodna područja je preuzela područje Zaštićenog pejzaža "Trebević" na upravljanje. U periodu od zvaničnog preuzimanja pomenutog zaštićenog područja pa do danas, na terenu je poduzeto mnogo aktivnosti na uređenju infrastrukture. Javna ustanova svake godine planom nabavki predviđa i realizuje nabavku drvenog mobilijara koji je prilagođen ambijentu zaštićenih prirodnih područja (klupe, korpe za otpatke, hladnjake, putokaze, informativne panoe koji služe kao elementi vizuelne komunikacije).

Također, Javna ustanova kontinuirano angažuje preduzeće KJKP "RAD" d.o.o. Sarajevo za odvoz smeća i pražnjenje postavljenih kontejnera na području Zaštićenog pejzaža "Trebević" s obzirom da je zakonom utvrđena komunalna djelatnost preduzeća "RAD" van programska aktivnost na istoimenom zaštićenom prirodnom području i usluga se naplaćuje. Otpad iz korpi se sakuplja u centralni spremnik -veliki gabaritni kontejner.

Na području Trebevića već je postavljeno 16 korpi za otpatke i sa ovom aktivnosti nastaviće se u narednom periodu.

S poštovanjem,



[REDACTED]  
[REDACTED]  
[REDACTED] Osman Delić

Dostaviti:

1. Naslovu
2. Arhivi Javne ustanove

[REDACTED]